

268. **Lepanthes inaequalis** Schltr., nov. spec.

Epiphytica, erecta, 7—14 cm alta; rhizomate valde abbreviato; radicibus filiformibus, elongatis, flexuosis, glabris; caulis gracillimus, 4—9 cm longis, 6—9-vaginatis; vaginis alte et arcte amplectentibus, pluricostatis, ostio acuminato paulo ampliatis, costis et ostii margine minute et dense ciliolatis; folio erecto vel erecto-patente, lanceolato, subacuminato, 3—5 cm longo infra medium 0,6—0,8 cm lato, apice minute tridentato, basi breviter petiolato; racemis singulis vel 2—3-nis, folio 3—4-plo brevioribus, subdense 3—6-floris, pedunculo usque ad 1 cm longo, glabro; bracteis breviter acuminatis, glabris, pedicello aequilongis vel paulo longioribus; floribus erecto-patentibus, inversis, glabris; sepalo intermedio late ovato, breviter acuminato, c. 0,6 cm longo, lateralibus oblique ovatis, breviter acuminatis, intermedio aequilongis, usque infra medium connatis; petalis transverse bilobatis, c. 0,4 cm latis, lobis inaequalibus, angulum rectum formantibus, inferiore oblique triangulo, ligulato, obtusiusculo, superiore oblique oblongo, obtuso, inferiori paulo breviore; labello concavulo, columnam amplectente, basi subreniformi, antice alte forcipato-bilobato cum apiculo minuto interjecto, longitudinaliter intus bicarinato, 2,5 mm longo, lobis falcatis lanceolato-triangulis obtusis; columna gracili, labellum paulo superante; ovario cum pedicello brevi glabro, c. 0,2 cm longo.

✓Guatemala: Epiphytisch bei Coban, c. 1400 m ü. d. M. — H. v. Türkheim s. n., blühend im November 1877.

Unter den schmalblätterigen Arten ist diese die grösste. Sie ist durch das ziemlich breite mittlere Sepalum und die Form der Petalen unschwer zu erkennen.